

Na osnovu člana 26. stav (2) Zakona o taksi prijevozu u Kantonu Sarajevo («Službene novine Kantona Sarajevo» broj: 11/14, 26/14, 14/16, 14/21 i 16/16-ispravka, 14/21), Ministarstvo saobraćaja Kantona Sarajevo, objavljuje:

**JAVNI POZIV
za izbor taksi prijevoznika dodjelu četiri-taksi oznake za prijevoz osoba sa
invaliditetom**

I – PREDMET JAVNOG POZIVA

Predmet javnog poziva je dodjela 4 (slovima: četiri) dopunske taksi oznake za prijevoz osoba sa invaliditetom, i to:

- jedna (1) dopunska taksi oznaka za prijevoz osoba sa invaliditetom za taksi prijevoznike pravna lica;
- tri (3) dopunske taksi oznake za prijevoz osoba sa invaliditetom za taksi prijevoznike fizička lica.

II – USLOVI ZA PRIJAVU NA JAVNI POZIV I DOKAZI KOJE TREBA PRILOŽITI

II.1. USLOVI ZA PRIJAVU

1. Da pravno ili fizičko lice posjeduje profesionalnu osposobljenost koja podrazumijeva:
 - da je registrovano za obavljanje djelatnosti taksi prijevoza i da mu je to osnovna djelatnost. Fizičko lice koje nije registrovano za obavljanje taksi djelatnosti mora da dostavi izjavu (Prilog 2, iz kriterija – u prilogu je ovog Javnog Poziva) da će u roku od 30 dana od objavljivanja rang liste, u slučaju da je tako rangiran na rang listi da mu se dodjeljuje taksi oznake za prijevoz osoba sa invaliditetom , izvršiti registraciju za obavljanje djelatnosti taksi prijevoza.
 - da podnosilac zahtjeva-pravno lice zapošljava dovoljan broj vozače (broj vozača mora biti veći ili jednak broju vozila za koje posjeduje važeće taksi oznake),
2. da pravno ili fizičko lice posjeduje vozilo u vlasništvu ili kupljeno po osnovu ugovora o leasing-u, odnosno da dostavi izjavu (Prilog 1, iz kriterija – u prilogu je ovog Javnog Poziva) da će u roku od 30 dana od objavljivanja rang liste, u slučaju da je tako rangiran na rang listi da mu se dodjeljuje taksi oznake za prijevoz osoba sa invaliditetom, izvršiti nabavku vozila koje je u skladu sa Pravilnika o tehničko-eksploatacionim uslovima za vozila kojim se obavlju pojedine vrste prijevoza («Službene novine Federacije BiH» broj: 51/06, 79/06 – Ispravka., 11/09, 56/10, 79/11, 49/13 i 27/22)
3. Da ima sjedište/prebivalište na području Kantona Sarajevo
4. Da uredno izmiruje obaveze u pogledu plaćanja prihoda,
5. za fizička lica da im predhodno nije dodjeljena dopunska taksi oznaka,
6. Da nema izrečenu pravomoćnu presudu kojom je određena zaštitna mjera zabrane obavljanja djelatnosti javnog prijevoza dok ta mjera traje.

II.2 –OBAVEZNI DOKAZI:

- Za pravna lica: ovjerena kopija aktuelnog izvoda iz sudskog registra, uvjerenje Federalnog zavoda za statistiku o razvrstavnju po djelatnostima, i spisak uposlenih ovjeren od Porezne uprave FBiH.
 - Za fizička lica: rješenje o registraciji obrta taksi djelatnosti i uvjerenje Federalnog zavoda za statistiku o razvrstavnju po djelatnostima ili izjava iz priloga 2.
- Ovjerena kopija vlasničke knjižice ili potvrde o registraciji vozila i Potvrda o ispravnosti i opremljenosti vozila za obavljanje taksi prijevoza osoba sa invaliditetom ili izjava iz priloga 1.
- Za fizička lica CIPS prijavnica, za pravna lica ovjerena kopija aktuelnog izvoda iz sudskog registra.
- Uvjerenje porezne uprave o izmirenim obavezama javnih prihoda u cjelosti.
- Utvrđuje ministarstvo
- Uvjerenje suda da nije izrečena pravosnažna presuda zabrane obavljanja djelatnosti
- Pravilno ispunjan i potpisan zahtjev.

III –KRITERIJI NA OSNOVU KOJIH SE VRŠI BODOVANJE I DOKUMENTI NA OSNOVU KOJIH SE VRŠI OBRAČUN BODOVA PO KRITERIJIMA

Red prvenstva za dodjelu 4 (slovima: četiri) dopunskih taksi oznaka za prijevoz osoba sa invaliditetom po javnom pozivu, utvrđuje se na osnovu bodova koje lica koja ispunjavaju uslove iz javnog poziva ostvare prema sljedećim kriterijima:

Pravna lica

1. Registrovana djelatnost taksi prijevoza kao osnovna djelatnost.
2. Iskustvo u obavljanju taksi djelatnosti, dužina vremenskog perioda u mjesecima od dana registracije djelatnosti taksi prijevoza kao osnovne djelatnosti odnosno tj. period za koji pravni subjekt posjeduje minimalno jednu taksi oznaku do dana objave javnog poziva.
3. Posjedovanju važećih taksi oznaku.
4. Prema posjedovanju vozila za prijevoz invalidnih osoba u skladu sa Pravilnika o tehničko-eksploatacionim uslovima za vozila kojim se obavlju pojedine vrste prijevoza («Službene novine Federacije BiH» broj: 51/06, 79/06 – Isp., 11/09, 56/10, 79/11, 49/13 i 27/22).
5. Prema starosti vozila.
6. Prema EURO karakteristikama motora.
7. Prema pogonskom gorivu vozila.

Fizička lica

1. Registrovana djelatnost taksi prijevoza kao osnovna djelatnost odnosno dostavljena izjava iz priloga ovih kriterija (Prilog 1).
2. Prema posjedovanju vozila za prijevoz osoba sa invaliditetom u skladu sa Pravilnikom o tehničko-eksploatacionim uslovima za vozila kojim se obavlju pojedine vrste prijevoza ("Službene novine Federacije BiH« broj: 51/06, 79/06 – Ispravka., 11/09, 56/10, 79/11, 49/13 i 27/22).
3. Prema starosti vozila.
4. Prema EURO karakteristikama motora.
5. Prema pogonskom gorivu vozila.
6. Ako podnositelj zahtjeva ili član užeg domaćinstva (bračni drug, djeca rođena u braku i van braka, usvojena i pastorci, otac, majka, očuh i maćeha) ima status invalida.
7. Na osnovu poznavanja engleskog jezika.
8. Prema životnoj dobi podnositelja zahtjeva.
9. Prema broju članova obiteljskog domaćinstva.
10. Prema dužini prebivanja na području Kantona Sarajevo.

Potrebna je sljedeća dokumentacija, za bodove i to:

Pravna lica

- tačke 1. i 2., aktuelni izvod iz sudskog registra i obavještenje Federalnog zavoda za statistiku o razvrstavanju djelatnosti i službene evidencije o taksi oznakama,
- tačke 3., Ministarstvo saobraćaja utvrđuje iz službene evidencije o dopunskim taksi oznakama,
- tačke 4., ukoliko podnosioc zahtjeva posjeduje vozilo dostavlja vlasničku knjižicu, saobraćajnu dozvolu i potvrdu o ispunjavanju tehničko-eksploatacionih uslova za taksi vozilo izdatu od ovlaštene stanice tehničkog pregleda. Ukoliko podnosioc zahtjeva ne posjeduje vozilo dostavlja izjavu iz priloga ovih kriterija (Prilog 1).
- tačke 5., 6. i 7., ukoliko podnosioc zahtjeva posjeduje vozilo dostavlja vlasničku knjižicu, saobraćajnu dozvolu i potvrdu o ispunjavanju tehničko-eksploatacionih uslova za taksi vozilo izdatu od ovlaštene stanice tehničkog pregleda. Ukoliko podnosioc zahtjeva ne posjeduje vozilo dostavlja izjavu iz priloga ovih kriterija (Prilog 1).

Fizička lica

- tačke 1., važeće rješenje/odobrenje za obavljanje taksi prijevoza, odnosno izjavu iz priloga ovih kriterija (Prilog 2.),
- tačke 2., 3., 4. i 5., ukoliko podnosioc zahtjeva posjeduje vozilo dostavlja vlasničku knjižicu, saobraćajnu dozvolu i potvrdu o ispunjavanju tehničko-eksploatacionih uslova za taksi vozilo izdatu od ovlaštene stanice tehničkog pregleda. Ukoliko podnosioc zahtjeva ne posjeduje vozilo dostavlja izjavu iz priloga ovih kriterija (Prilog 1).
- tačke 6., izvršno rješenje o statusu invalida,
- tačke 7., dokumenti izdati od ovlaštenih institucije za provođenje edukacije/kurs za učenje stranih jezika,
- tačke 8., kopija lične karte ili izvod iz matične knjige rođenih,
- tačke 9., ovjerena kućna lista,
- tačke 10., potvrda o boravištu.

IV – POSTUPAK BODOVANJA

Po okončanju roka za podnošenje prijave na Javni poziv za dodjelu dopunskih taksi oznaka za prijevoz osoba sa invaliditetom, Komisija za provođenje postupka putem javnog poziva (u daljem tekstu: Komisija) koju u skladu sa odredbama člana Zakonom o taksi prijevozu u Kantonu Sarajevo (»Službene novine Kantona Sarajevo« broj: 11/14, 26/14, 14/16, 14/21 i 16/16-ispravka, 14/21), utvrđuje ispunjavanje uslova za učešće na javnom pozivu.

Komisija sve nepotpune, formalno neispravne i neblagovremene zahtjeve odbacuje i formira zasebnu listu koja sadrži opis nedostataka.

Za sve potpune zahtjeve komisija vrši bodovanje u skladu sa prethodno navedenim Zakonom propisanim kriterijima i utvrđuje preliminarnu rang listu.

Liste se objavljuju na oglasnoj ploči Kantona Sarajevo i web stranici Ministarstva saobraćaja Kantona Sarajevo.

Podnosioci prijave mogu uložiti prigovor na objavljene liste u roku od 8 (osam) dana od dana objavljivanja. Prigovor mora sadržavati precizno navođenje činjenica koje su razlog ulaganja prigovora.

O izjavljenim prigovorima odlučuje Ministarstvo saobraćaja Kantona Sarajevo, po prethodno pribavljenom izjašnjenju Komisije na sve navode sadržane u prigovoru.

Rok za rješavanje po prigovoru je 15 (petnaest) dana od dana podnošenja istog, nakon čega Ministarstvo saobraćaja Kantona Sarajevo utvrđuje i na oglasnoj tabli Kantona Sarajevo i web stranici Ministarstva saobraćaja Kantona Sarajevo objavljuje konačnu rang listu podnosilaca prijave na Javni poziv za dodjelu dopunskih taksi oznaka za prijevoz osoba sa invaliditetom.

Na osnovu konačne rang liste, Ministarstvo saobraćaja Kantona Sarajevo donosi privremena rješenja o dodjeli dopunske taksi oznake za prijevoz osoba sa invaliditetom, i to prema redoslijedu podnosilaca prijave na konačnoj rang listi i broju slobodnih dopunskih taksi oznaka za prijevoz osoba sa invaliditetom utvrđenom u tački i javnog poziva, a za potrebe registrovanja djelatnosti taksi prijevoznika i pribavljanja potrebne licence za obavljanje djelatnosti taksi prevoza. Po registraciji djelatnosti i dostavi potrebne dokumentacije za pribavljanje potrebne licence, Ministarstvo saobraćaja Kantona Sarajevo će donijeti konačno rješenje o dodjeli dopunskih taksi oznaka za prijevoz osoba sa invaliditetom.

V – ROK I NAČIN PODNOŠENJA PRIJAVA NA JAVNI POZIV

Javni poziv ostaje otvoren 15 dana od dana objavljivanja , a objavit će se u dnevnim novinama Dnevni avaz, uz isticanje na oglasnoj tabli Kantona Sarajevo i web stranici Ministarstva saobraćaja Kantona Sarajevo.

Neblagovremene i nepotpune prijave neće se uzeti u razmatranje.

Prijave na javni poziv sa propisanom dokumentacijom dostavljaju se u zatvorenoj koverti putem protokol Kantona Sarajevo ili preporučeno poštom na adresu:

Ministarstvo saobraćaja Kantona Sarajevo
ul. Reisa Džemaludina Čauševića broj 1, 71000 Sarajevo, Bosna i Hercegovina
sa naznakom:
„PRIJAVA NA JAVNI POZIV ZA DODJELU DOPUNSKIH TAKSI OZNAKA ZA
PRIJEVOZ OSOBA SA INVALIDITETOM – NE OTVARATI“

NAPOMENA: Dokumentacija (koja je propisana ovim javnim pozivom, prilaže se u originalu ili ovjerenj fotografiji.



PISMENA IZJAVA

Ja, niže potpisani _____ (Ime i prezime), sa ličnom kartom broj :
 _____ izdatom od _____, u svojstvu predstavnika privrednog
 društva ili obrta ili podnosioca zahtjeva (Navesti
 položaj, naziv privrednog društva ili obrta ili podnosioca zahtjeva), ID broj : _____
 (popunjava samo ko ima registrovanu privredno društvo ili obrta), čije sjedište/prebivalište se nalazi u
 _____ (grad/općina), na adresi _____ (Ulica i broj), kao
 kandidat/podnosioc zahtjeva na raspisanom javnom pozivu
 _____ (Navesti tačan naziv i javnog poziva), a kojeg
 provodi Ministarstvo saobraćaja Kantona Sarajevo putem imenovane Komisije, pod **punom materijalnom i kaznenom odgovornošću**

IZJAVLJUJEM

1. Da ću u roku od 30 dana nakon objavljivanja rang liste u slučaju da je tako rangiran na rang listi da mu se dodjeljuje taksi oznake za prijevoz osoba sa invaliditetom, izvršiti nabavku vozila slijedećih karakteristika, i to:

Da posjeduje opremu i uređaje iz st. (1), (2) i (3) člana 10. Pravilnika o tehničko-eksploatacionim uslovima za vozila kojim se obavljaju pojedine vrste prijevoza (»Službene novine Federacije BiH« broj: 51/06, 79/06 – Isp., 11/09, 56/10, 79/11 i 49/13) taksi vozila za prijevoz osoba sa invaliditetom može biti putničko vozilo (klasifikovano kao AF – višenamjensko vozilo ili SH – vozilo prilagođeno za invalidska kolica) sa pet sjedišta (1+4) koje je posebno prilagođeno prijevozu osoba sa invaliditetom u kolicima i koje posjeduje:

- motor euro norme najmanje _____,
- platformu ili lift za olakšan ulazak i izlazak osoba u kolicima,
- sigurnosni pojas za vezivanje kolica ili drugi sigurnosni mehanizam za sprječavanje pomjeranja kolica za vrijeme vožnje vozila,
- dva električna španera,
- dva mehanička španera,
- alarm za upozoravanje vozača kojim se daje signal iz prostora u kojem se prijevozi osoba u kolicima,
- znak pristupačnosti kojim se obilježava vozilo u kojem se prijevozi osoba sa invaliditetom
- godine proizvodnje _____,
- pogonskog goriva _____.

5. Saglasan sam da u slučaju da u roku od 30 dana ne izvršim nabavku vozila u skladu sa podacima datim u ovoj izjavi budem brisan sa rang liste tako da se smatra da nisam dostavio traženu dokumentaciju.

Izjavu dao :

Mjesto i datum davanja izjave :

Potpis i pečat nadležnog organa :

PISMENA IZJAVA

Ja, niže potpisani _____ (Ime i prezime), sa ličnom kartom broj: _____ izdatom od _____, u svojstvu predstavnika privrednog društva ili obrta ili podnosioca zahtjeva _____ (Navesti položaj, naziv privrednog društva ili obrta ili podnosioca zahtjeva), ID broj : _____ (popunjava samo ko ima registrovanu privredno društvo ili obrta), čije sjedište/prebivalište se nalazi u _____ (grad/općina), na adresi _____ (Ulica i broj), kao kandidat/podnosioc zahtjeva na raspisanom javnom pozivu _____ (Navesti tačan naziv i javnog poziva), a kojeg provodi Ministarstvo saobraćaja Kantona Sarajevo putem imenovane Komisije, pod **punom materijalnom i kaznenom odgovornošću**

IZJAVLJUJEM

1. Da ću u roku od 30 dana nakon objavljivanja rang liste u slučaju da je tako rangiran na rang listi da mu se dodjeljuje taksi oznake za prijevoz osoba sa invaliditetom, izvršiti registraciju za obavljanje djelatnosti taksi prijevoza.
2. Saglasan sam da u slučaju da u roku od 30 dana ne izvršim registraciju za obavljanje djelatnosti taksi prijevoza u skladu sa ovom izjavi budem brisan sa rang liste tako da se smatra da nisam dostavio traženu dokumentaciju.

Izjavu dao :

Mjesto i datum davanja izjave :

Potpis i pečat nadležnog organa :